



Universitätsbibliothek Paderborn

Concilia Galliæ Narbonensis

Baluze, Etienne

Parisiis, 1668

VII. Litteræ Dalmatij Archiepiscopi Narbonensis, quibus Ecclesiam sanctæ
Mariæ Narbonensis (vulgò Nostre-Dame de la Mourguier) subjicit
monasterio Massiliensi.

urn:nbn:de:hbz:466:1-14646

queritur Guiffredus Archiepiscopus quod aufert ei
ipsas bordarias quae sunt ultra pontem in parrochia
sancti Pauli, in villa quae dicitur Censerada, quae est
alodio sanctorum Justi & Pastoris, sicut sonat in
Præceptis Regum. Quæ autem bordariæ sunt à ca-
pite pontis usque ad hortos ex parte Circij inter Ec-
clesiam sancti Pauli & flumen Atacis &c. Facta carta
hujus concordiæ II. Non. Octobris, anno ab incar-
natione Domini MLXVI.

VII.

Litteræ Dalmatij Archiepiscopi Narbo-
nensis, quibus Ecclesiam sanctæ Mariæ
Narbonensis (vulgo *Nostre-Dame de la
Mourguier*) subjicit monasterio Massi-
liensi.

Ex archivō Archiepiscopi Narbonensis.

IN nomine Domini. Præsentibus sit notum, & fu-
turis non sit incognitum, quia ego Dalmatius
sanctæ primæ sedis Narbonensis Archiepiscopus do-
nator sum Deo & sanctæ Mariæ sanctoque Victori
cœnobio Massiliensi & Abbatii Richardo & succe-
soribus suis & monachis ejusdem cœnobij præsen-
tibus & futuris. Per hoc pactum scripturæ dono eis
Ecclesiam nostræ diocesis, cum decimis & primiciis
& domibus & oblationibus vivorum & mortuorum
& terminis & pertinenciis suis omnibus, simul cum
ipsa condamina quam solitus erat tenere Pontius
Mainardus, & cum ipsis hortis, olearum videlicet
& olerum quos ibi dedi in dedicatione ejusdem Ec-
clesiæ coram Narbonensi Clero & populo. Quæ Ec-

lesia , sanctæ Mariæ nomine nuncupata , est con-
structa in suburbio Narbonensi , & à me & à suffra-
ganeis meis catholicis Episcopis solemniter conse-
crata. Auctoritate etenim sanctorum canonum ful-
tus , qui præcipiunt Episcopum posse construere mo-
nasterium in diocesanea parochia diocesis suæ , at-
que eam de bonis Ecclesiæ suæ ditare , ut monachi
ibi possint quietè Deo servire , hoc facio , atque ideo
ut possim habere adjutores & cooperatores religio-
sos viros , cum quibus ego & successores mei legiti-
mè possimus opus Dei perficere. Hactenus enim hęc
prædicta Ecclesia à longo jam tempore est injuste
possessa à Simoniacis & Nicolaitis Clericis & laicali-
bus personis. Ideoque religioni eam applicare cu-
ravi , secundūm mutationem dexteræ Excelsi , ut ibi
inhabitantes studeant eundem locum meliorare.
Quapropter ego prædictus Archiepiscopus & hoc
donum , quod illic modò præbeo , ibi confirmo , &
quicquid , Deo donante , ibi augmentando in post-
robum ego vel alij homines ibi donaverimus. Unde
constituo ut census annuatim persolvatur Ecclesiæ
sanctorum Iusti & Pastoris , in festivitate videlicet
eorum , ab habitatoribus ejusdem loci , id est , tres
librae ceræ. Si verò , quod absit , aliquis successorum
meorum hoc infringere voluerit , & contra prædi-
cam donationem venire tentaverit , hoc nullo modo
agere possit ; sed excommunicationi subjaceat usque-
quo resipiscat , & insuper auctoritas apostolicæ se-
dis , sub cuius defensione Ecclesia Massiliensis con-
sistit , eum prohibeat , quam monachis ipsius Eccle-
sie in hoc negotio appellare liceat. Et ut hęc dona-
tio firmum obtineat roborem , manu propria confir-
mo , & subteriūs annotatos firmare præcipio. Facta
carta donationis hujus **XIIII. Kal. Maij** , anno ab in-
carnatione Domini **M^{ille}XXXVI**. Indictione **VIII**. Si-

gnum Vvillelmi Episcopi Tolonensis. Signum Arnaldi Abbatis Castrensis. Signum Vvillelmi Abbatis Salmodiensis. Signum Stephani Clerici. Signum Raimundi Comitis Ruthenensis & Narbonensis. Nos testes, qui hanc cartam iussi firmavimus.

VIII.

Litteræ Dalmatij Archiepiscopi Narbonensis, quibus Ecclesiam sanctæ Mariæ Narbonensis donat monasterio Massiliensi.

Ex archivō Archiepiscopi Narbonensis.

IN Dei nomine. Ego Dalmatius Narbonensis Archiepiscopus instinctu divinæ visitationis cognoscens fluctuationes & afflictiones Ecclesiarum Dei, & specialiter desolationem & miserabilem captitatem Ecclesiæ sanctæ Mariæ suburbanæ, quam per Dei gratiam à nonnullis detrimentis & simoniaca hæresi liberaverim, & cupiens illam in perpetuo statu catholicæ fidei restituere, unà cum consensu & voluntate Clericorum sancti Iusti & Pastoris, volo & concedo prædictam Ecclesiam beatæ Mariæ suburbanæ ordinandam & perpetuò regendam in potestate & regimine Domini Ricardi Massiliensis Abbatis ejusque successorum & eorum monachorum tam præsentium quam futurorum regulariter secundum possibilitatem loci ibi degentium. Salva reverentia & canonica obedientia Ecclesiæ sancti Iusti & Archiepiscopi & Clericorum ejus, & restitutio Ecclesiæ sancti Pauli. Et si quid ortum fuerit de antiquis consuetudinibus inter Ecclesiam sancti Pauli & Ec-